

僊居縣志

地志 193  
39  
1-17

光緒甲午重修

仙居縣志

聚珍板印

光緒仙居志序

余以辛卯五月奉檄來宰仙居縣在萬山之中土田墾墾民生凋敝絃誦間歇余思所以振興之乃稽名宦以資效法攷鄉獻以薦多士及檢閱舊志則藏本鮮少板多漫漶幸同治間前縣余君麗元聘友纂有志稿取而閱之類皆因仍舊志補續寥寥雖經余君評訂迄未成書會奉檄趣修志乃謀於學博郁君鴻暨邑明經張子廼明增生張子士芳等僉謂黃巖孝廉王君棻嘗修本縣志及青田永嘉二志皆有體裁不同苟作於是走書幣遣縣學生王子夢花往延之王君許諾以四月朔來縣偕邑孝廉李君芳春同纂輯焉閱半載而書成體例謹嚴網羅宏富

光緒仙居志

卷首

新序

補前志之缺拾舊經之遺叙事詳明摛詞質直絕無鑿空杜撰之語以誑後人其於紀實之義庶爲得之乃王君初不自是復俛邑明經張子景韶等分門校正苴漏訂譌歸於至當然後付之手民吾知傳之後世將如陳氏耆卿之赤城志林氏表民之赤城集共垂爲不刊之典而余得挂名首簡聿觀厥成何幸如之余攷仙居自晉置縣千五百年於茲矣唐以前荒遠無徵姑置不論迄宋而後觀其名宦如陳古靈之勸學馬濬卿之愛民顧清曾之徵文考獻循聲惠政卓卓一時皆余之所深景仰者也觀其人物如吳康肅應南洲之剛直翁一瓢呂六松之清高陳南塘應容菴之講學郭正肅吳忠恪之擊姦張圭山李景山



之宦績柯丹邱王文通林介山之文采人材輩出彪炳後先皆  
多士之所宜觀法者也自

聖清御宇六合同風教澤涵濡遐陬罔間誠使斯邑之人士果  
能奮然以興俛焉自厲其秀而良者篤志力學不難繼美於前  
型其樸而愿者鑿井耕田相與優游夫化宇則余忝忝爲令長預  
有榮施傳云瘠土之民莫不嚮義偏隅下邑恆產巨人吾如此  
邦士庶深期之梓成因書緣起弁於簡端尤望後之蒞斯土者  
補闕拾遺匡不逮焉斯幸矣光緒二十年歲次甲午八月旣望  
知仙居縣事粵西永福王壽頤序

光緒僊居志

卷首

新序

舊跋

予不佞不能周知天地之廣大而獨好觀古今所載星土方俗人物得失之致耳目覩聞輒生感發以爲人心世教端必有賴乎是乙未謁選人得台之僊居私自念此古靈晦菴二先生所蒞之區也文獻其有徵乎比至見其山川秀美土風朴茂賢士大夫多光明俊偉能世其業卽編戶之民類不能具什一以求尺寸之贏于四方予心安焉每自公之暇輒求前世之遺跡不可多見退而攷之故府簡冊缺然未有志者豈先輩從事于茲樂其土俗之淳未遑紀述將三年殿最輒遞代遷去有是念而未之就歟不佞慨然久之乃搜剔舊聞旁求故典與學博王君

光緒僊居志

卷首

舊跋

綜其可信可傳者彙集成編凡幾卷將刻而傳諸世一時學士先生父老子弟樂僊志之有成也謂主者宜有一言弁其首予惟郡邑之有志猶國之有史也史核則傳志該則遠周禮旣設有職方氏以掌天下之圖辨其邦國都鄙財用穀畜之數以周知其利害而又有外史以掌四方之志土訓以詔地求誦訓以知地俗此皆因俗爲治之意而人心世教所攸係焉者也後世訓史之職廢而政多苟簡然則郡邑之志所從來尚矣僊故居萬山中其廣不當台之什一而星野災祥之數戶口田賦物產古跡之遺城池官署學校鄉社陵墓寺觀之跡與夫名臣宦跡忠義孝友儒林文學隱逸僑寓烈女仙釋之流種種清嘉未易

殫述試陳是編而縱觀之足之所履不問而知其處目之所周不辨而識其人其措置可以合人情而耳目可以俾懲勸一方之書千載之業端有藉焉顧予德薄能小不能有所闡明以激發後人之志氣而惟是二三君子相與考覈甚詳商確且久其文則畧其義則該庶幾可備他日之掌故云爾後之君子吏斯土者尚憫予之不文而刪抹潤色之

萬歷戊申七月既望吳郡顧震宇謹跋

又

不佞成小築於麻姑之麓製荷紉蘭僻嗜默坐俄邑侯顧君纂邑志竣事徵序於不佞不佞謝曰鉛槧業已敝筭久之何能綺

光緒僊居志

卷首

舊跋

一

語艷此志雖然市廛事販者熟之川莽事髦野者識之况僊居予世廬舍侯之政實余稔覩記斯志之成予實所欣慕焉可無言以處此聞之陳壽范二君子學傾西室才落文河何所不騁猶不敢輕作志以郡邑之志即朝家之史難言之也借兩司馬之神撫虛摹影太失之浮一斑失豹一隙缺二曜之明覺失之簡不則拾其柱腳如山花水鳥較詳遺其大要如人物徭賦風化烈俠反置不問是何體貌志豈乏三長者可染翰乎僊居古稱安州自宋令古靈陳先生以上醕之政完標枝之風民朴政修邑志僅有涯畧至嘉靖壬子天吳翔幟鮓浦烽紅海寇一炬邑里盡爲焦土凡林府藏牒胥燬而志籍已付祖龍燼矣遷

延數十年如育者之迷於轉徑幸天惠一方獲遇顧君係全矣  
世家縮銅墨長此士廣心汪度綽有古循良風以慈愛續鞭示  
以撫字代催科以鳩緝新鬢序以淡漠厭握迎一時塗歌巷舞  
已如倪寬陽城再司世云琴清花竹爰搜邑賦不難折節延問  
如山中之簡拾童牧之謠咏無不攜撫出瓜懸之沫遂付梓人  
齊民寔不知也予披是而讀之竟簡支分節析綱舉目張山川  
之辨封邑之自物曲之織禮俗之槩田賦之常人丈之次不俚  
不略不濫不誇誠如營新豐者宮室鷄犬一一皆肖允可垂來  
世而徵實錄矣豈如鍾離君之夢安州或對或失僅寫其形影  
已哉不佞飲君之醕則忘其醉按君之志時游之惺聊紀其歲

光緒僊居志

卷首

舊跋

時姓比爲之弁以鏞不朽則遺其拙若日以雕龍繡虎業爲紀  
錄光當捫心退矣侯名震宇姑蘇之崑山人

萬歷己酉春三月賜進士出身嘉議大夫太常寺卿奉誥進階  
通議大夫邑人應存卓頓首拜書

古者周官掌邦國四方志而志始傳邑之有志猶國之有史司  
馬文止公集古今治忽之蹟命之曰資治通史夫志非一邑資  
治之史歟是非之衡公議之府也趙宣不得改董狐之筆崔氏  
不得更南史之簡劉知幾曾鞏其人率難之僊之志兵燹祖龍  
从矣茲刻則御史大夫吳公從弟文學擢撫舊聞前令顧君嘉  
與二三博雅更綜數四始一就事攜吳中付殺青余聞之函以

請歸四月版至展而讀之疆域則職守有書山河則險易有書  
圖籍則國計有書吏治則官箴有書人物則臧否有書可以觀  
可以勸可以懲蓋百代信史且藻麗文章已哉得此浣劇思矣  
予承乏茲土自揣無補獨於賦役庠序昕夕拳拳且會當攢造  
之期稔知僊之恭因不愛爲民均一編里斲庶幾十年無蓋而  
資之塹僊多譽髦久曠予卽不敏數給廩餼率諸章綵爲文日  
晏繼炬不倦迺頌已超曠風翔瞻斗矣更鐫鼎大成重新啟聖  
葺諸名賢列祠靡匪冀以鼓振化風惟諸人士勉爲嘉巖川贈  
色爲茲志光左氏曰古人有不朽者三立德立功立言予何敢  
居第業有仁賢胥事且多藉以閱斯傳于不朽是所爲資予治  
光緒僊居志卷首

舊序

一

乎長是邦者僉榮矣僉榮矣遂書此爲文致附

萬歷壬子十月文林郎知僊居縣事廣陵鄧應璧謹叙

康熙重修縣志序

僊居浙左之僻隅也與天台接壤余讀李太白夢遊天姥吟又讀孫興公天台山賦恆神在於石梁桐柏間庚申夏謬膺簡命承乏茲土道經天台恍若蓬島乃知昔人欲尋華頂不憚惡溪之句良有以也迨鳴騶入境見夫碧嶺丹崖層巒聳翠飛泉激冽巖穴神奇亭亭物表矯矯霞端大都頽頽天台宜乎鍾靈毓秀而代出名賢也哉惜夫閩氣告警林木池魚災肯洊臻黍離興嘆雉堞圯毀藜莽荒穢山川不改而人物已非撫今追昔事異勢殊能無感慨幸荷

廟算威靈山海底定且復蠲徭緩賦賑濟招徠遺子哀鴻庶幾

光緒僊居志

卷首

舊序

漸有起色而風俗猶未盡醑人文尚須蔚起得非我令長之是任歟余攷志自晉陳以來令茲土而以惠節端操稱者蓋亦夥矣惟宋古靈陳公襄教化稱最余不敏未敢望古靈先生後塵然典型在望鄉在心殷惟計圖招恤殘黎重新教化振疲俗而挽頽風異日不廢具興英才濟濟紹前徽而繼往烈余亦得與二三子游尋幽探勝其樂昇平以曠觀美俗豈不大愉快也哉鄭侯以己未之春開局修志於茲蓋經年矣旋因讀禮瓜代余甫蒞而志落成梓氏以全集進且請序於余余故爲一言以弁其端云

皆

康熙庚申浙江台州府僊居縣知縣宛平魏國璘斌王氏謹撰

余弱冠膺

天子簡命承乏浙之僊居下車伊始寥寥數民鳩鵲之形可掬也余以涼德跼踖荒署中惟日夕揮長沙之涕繪監門之圖不暇給耳邑之文獻典故皆無遑深考焉間嘗驅馬一出流覽遺墟見有若賜第者有若檣旌者有若歌樓者有若舞榭者有若石牀丹竈者昔人已去銅駝安存僊子不回白雲空在憑弔之餘徒生悵悵而已越十年所奇流亡漸集政稍暇適接

生子碩兩張子討論尋輯慘淡經營編殘簡斷續以微言文闕傳訛衷諸大義洎甲寅之夏稿將脫萑苻俄作狡焉啟疆邑蕩

光緒僊居志

卷首

舊序

一

然無遺矣此架上之帙安保其不同漢高斬蛇劍從烈焰中飛去耶嗟嗟三載蒐羅一朝散失垂成之業忽若鏤冰悲夫然念朝廷盛典烏可中沮且使前賢往哲鴻文偉行竟湮沒而不傳亦蒞茲土者之恥也因不顧僉惚力疾尾而蹤之鐵馬金戈之中猶著紙筆陣雲邊月之下不廢勾求所幸綠字丹書精芒未泯隨現汲塚之藏光宵照乘故穴乍移還呈合浦之瑞授彼剗人勒成一書較之舊編頗加詳慎雖悠悠之口知罪莫必我思古人實獲我心云爾

皆

康熙十七年季春止澆候補員外郎仍知僊居縣事金臺鄭錄  
勲子贊氏識

同治九年庚午纂修姓氏

主修

僊 居 縣 知 縣 余麗元 婺源人

分修

僊 居 縣 儒 學 教 諭 陳樹棠 山陰人

署 僊 居 縣 學 訓 導 蔡士魁 龍泉人

總纂

候 補 知 縣 楊晉藩 陽湖人

會纂

廩 膳 生 應鳴岡 邑人

光緒僊居志 卷首 姓氏

分纂 邑人

恩貢 土魏勝 歲貢 徐世蔭 拔貢 何 晫 恩貢 吳 彬

歲貢 朱夢裘 歲貢 張景韶 歲貢 崔炳文 署遂昌 教諭 徐士元

生員 朱蘭芬 廩生 張慶祥

總理 邑人

恩貢 生 侯 王 翰 附貢 侯 補 鹽 提 舉 張 化 邦 副 貢 刑 部 吳 琮

拔貢 生 侯 王 鏡 瀾 生員 侯 補 縣 主 簿 王 觀 瀾

探訪 邑人

歲貢 張鴻禧 生員 陳繼韶 廩生 張金鏢 廩生 應源堃

廩生 楊鱣卿

光緒二十年甲午纂修姓氏

主修

仙居縣知縣

永福 王壽頤 少潭

署仙居縣知縣

婺源 潘紀恩 小圃

分修

仙居縣儒學教諭 蕭山 郁鴻 美斯

署仙居縣學教諭 嵎縣 王振南 式齋

仙居縣儒學訓導 嘉善 錢慶祺 菊生

總纂

丁卯甲子科舉人 黃巖 王棻 子莊

光緒僊居志 卷首 姓氏

庚午科舉人 李仲昭 原名芳 春天隱

協纂

乙酉科拔貢 張迺明 子昭

邑增廣生 張士芳 竹坪

校正

歲貢生 張景韶 梧岡

歲貢生 程章 蓉卿

歲貢生 朱熾山 鏡珊

職廩生 徐韜 宇人

癸酉科拔貢 徐珍 琢菴

邑庠生

王夢花 雨生

編錄

員生夏紹寬 黃巖人

虞勳 黃巖人

王槐 楊鱣三

採訪

員生王汝梅 曉春

廩生王鎮嵩 鹿門

歲貢王澤 濟川

王體臣

分採

歲貢生王達源

吳海珊 周作孚 恩貢 李榮珍

貢生何燦之

廩生吳榜 王國生 王濤

張光格

麻煥章 王炳焯 朱廷瑞

光緒僊居志 卷首

姓氏

應冠犀

鄭鳳梧 吳文鸞

員生朱蘭芬

俞江湖 張際華 吳承烈

李朝紳

楊森然 楊家璧 王鶴年

王朝翰

王憶臣 陳圭璋 徐家幹

蔣麟

應時雨 王如心 王鳳棲

王聯珊

張炳樾 張麟書 胡曾

張琦

張丹青 王渭儀 徐熙暢

陳世昌

李熙元 潘江 王榮椿

協理

武舉王冠軍

戴國平

員生王蘭枝

貢生士大猷

吳昌瑞

王文渠

武生王日成

王殿華

張鳳鸞

監生徐培坤

陳汝英

吳光義

柯德貴

朱占鰲

翁生何實鈞

督梓

仙居縣典史

汾陽 原順津 濟川

署仙居縣典史

六合 秦業增 敬之

仙居縣典史

青浦 程葆杰 雪門

仙居縣城守

臨海 翟輔朝 漁臣

摹碑

生員王鎮藩 徐廷銓

光緒僊居志  卷首 姓氏

繪圖

生員劉志言 黃巖人 王鏡元

樂安 蟠溪氏王壽朋刷印○

舊例

一僊之析地置縣始晉永和定域更名由宋景德若攜摭成書  
爲一邑之典固則宋元暨勝國永樂時皆有之世變遞乘陵  
谷滄桑多滅沒于野煙荒草中僅存者惟萬厯際所輯而已  
但頗尚簡畧掛一漏什爲有識者所矚是編廣蒐壁記野史  
及斷碣殘碑起漢厯今凡一千九百六十餘年之間訛者訂  
遺者補者闕信者詳參核視昔爲周尚恨散失旣久採求  
未罄則踵事增修旁諮博訪俾盡八穀仍俟諸後之君子  
一設科分職必考源流山川土地必分遠近人物必記里居廢  
興必詳時日庶幾如龍眠居士山莊圖佛觀者恍入畫境

光緒僊居志

卷首

舊例

一公署寺觀多名存而實亡然天下事有興有廢今所廢焉知  
非後所興耶仍照舊志開載亦存羊存禮意也  
一列傳舊志私心日用其祖父之賢半由于孫之顯今則一秉  
至公無所偏徇今人咲前人决不使後人復咲今人也  
一詩有風雅頌不同太史陳詩以觀民俗士女歌謠皆可登獻  
况大而郊廟朝廷乎舊志所輯者惟本邑題咏而諸先達應  
制酬贈歷覽憑吊之作竟遺焉何其隘耶且障腐疎淺徒堪  
供人噴飯是真不知詩爲何物今另出手眼蒐羅編集庶不  
謬于三百篇之遺其有失韻脫格者稍爲推敲更定不悞我  
不見古人恨古人不見我也

一舊志所錄文俱瑣無盡關繫且體猥句蕪有類遼豕而若誥若奏若諭若申詳書序經世華國之鴻章反爲擯抑良足掄擲也今則務遴其遠者大者而餘則汰焉

一序事宜簡尤宜簡而詳若簡而不詳是爲苟簡昔人謂司馬遷作史記年代遠而字減班固作漢書年代近而字多以此分其優劣今字句稍節而意頗該未卜有當焉否也

一作傳原有體不容以平淺敷演今字句頗于讀而實本之古人雖不敢上追龍門亦不致貽哂涑水也

一修志明嘉靖十七年令況一經曾與應公良張公儉文學林九臯議修未成三十三年令馬濂委文學張舜臣蔣少河修

### 光緒僊居志

#### 卷首

舊例

之事尙簡應及大猷以苟簡譏之馬不憚事遂寢萬曆八年令金陵漢因郡修赤城志亦請吳公時來主其事名宿吳錫鳳張堂賞相與蒐集會吳公膺簡命復不果至三十六年令顧震宇始竣其役付之梓人志之成蓋亦甚難矣哉洎崇禎四年令蕭鳴盛思續其跡借時邑賢應世虞余楠隆張鍾參徐日新張世俊輩哀輯較詳於前惜未登諸梨棗今上康熙十二年奉行修纂邑廩生張徵謨乃出其祖父遺編與明經張明焜討論參訂方繕清值寇變清本又燬今更命三生翻蒐殘帙悉心採集甫獲告成云

新例

一修志之法與修史同一字一句必有來歷不能向壁而虛造

也惟史據事直書善惡並載志則稱美而不稱惡謝文肅赤城新志凡

職官有劣蹟畧記以示警今參用其例史作者也故不著出典志述者也故必

引羣書此志與史之別也

一僊居前志傳於今者二書萬歷顧志簡而有法康熙鄭志詳

而足徵今略依二書分類編次較之前志差有條理矣

一鄭志法廢今并於版籍塚墓則列入古蹟寺觀仙釋退列雜

志申文詳文別入附錄非敢好事更張實亦具有微意覽者

詳之

光緒僊居志

卷首

新例

一書目金石皆文獻所係前志不載殊為缺典今特補此二門

以為徵文考獻之助

一前志詩文別為數卷今以門類可附者散入各卷其不能附

及後得未附者別為僊居集以錄之庶文傳而獻亦與之俱

傳矣

一集載詩文各分內外二編外編紀他邦贈遺之作內編載邑

人撰述之文文以體別為目十詩以代分為目五已詳目錄

茲不贅焉

一萬歷志雖題訓導王湛同輯然皆顧令震宇之筆觀各門小

序可見矣康熙志雖云徽謨明焜兩張君同輯實皆鄭令錄